


養難養説

完

特 7  
541








国立国会図書館 タイトル『養難養説』 請求記号 特7-541

ガラス使用



特7-541



目次

養方

肥培

整頓

年中養方

分栽





養難養說

古人曰蘭最難養故好事家多傳養方各異其說予就其說養之二十年而培養之久亦自得一方矣因錄其所自得及法書中有經驗者為一小冊題曰養難養說以備好事家之清翫云

蘭林陳人雋識

養方

凡養蘭之法須先知其性苟不知其性漫灑肥水猶不察病症而投藥石不但無其効其害亦酷也夫蘭之為性宜幽閑不宜煩囂愛微乾惡溷濕好晴暄嫌溽暑最雖畏寒亦喜清涼其好尚與幽人全同其趣故草中有蘭猶人間有幽客古人稱為幽蘭者蓋取



其性耳栽者宜先審其性而後得其養也

養方以乾濕得其適為最第一能得適不用他肥培無不繁茂若失其度乍致枯落肥水亦無所施也概之與其失過濕寧失過乾過乾之失其害不深猶可以救過濕之害其根乍腐爛終不可醫也

乾濕之候花鏡所謂秋不乾冬不濕者其大略耳夏秋之節雖好濕微雨秋霖出乎數日者宜避之况於澆水乎冬日宜乾燥然根底既乾乃枯焦宜有微濕嚴冬灌水之方詳記年中養方十二月條

灌水以雨水為上江流水次之井水為下若用井水貯之桶中經兩三宿者灌之無妨如新汲水宜忌之灌方夏秋之候以如露筒直灌莖葉亦無妨冬春之

節必灌盆四隅勿侵莖葉侵之其害深者逢暑候而萎淺者色容共衰

有花之間須避雨開花遇雨大損香氣然如小雨乃無妨

開花之間不可使盆土作乾燥而又過濕其害虐乎過燥

月兩三次旋轉其盆以易方位受日光即不偏是亦一養方

### 肥培

烹茶竝其冷如水四時灌盆四隅最佳也他肥水冬月忌灌之但此一方無妨其効此他腐水雖無奇驗常灌之永無螻蟻之害清玩之養无過之者且食用



所餘者貯之瓶中晚未灌之或經宿者翌朝灌之其  
便亦甚矣但經再宿者不可灌之  
混浴垢膩水經兩三宿者三時灌之最有效驗  
糞汁經寒暑其色如墨汁者加雨水三分一夏秋灌  
之亦有奇効  
腐魚水灌花少者明年必有花  
方書梳髮垢膩水浸鷄毛水腐膠水腐草水等皆灌  
之有效云然予所試似無奇驗故姑舍之

整頓

風雨之時宜以小繩束起之又插小竹杖於盆之四  
隅撓小枝作輪結之杖頭預防風雨亦可也插竹杖  
之方須栽之時先植之若其根既脹者新插竹杖則

害其根宜戒之

葉鋒焦者宜速翦去之不然一葉全枯

秋分後葉々漸變黃色者其根既枯焦全萎之可也  
肥水之非可能救者也

花後空莖宜俟其枯而剪之不然腐及其根尤可戒  
新葉抽綠五六寸其鋒未舒散者用細糸結之不為  
風雨所放散最佳

年中養方

正月春寒猶烈宜置坑內養之若無其坑者以紙作  
櫃紙櫃一方製作開閉口便乎出入及受日光藏盆其內  
置之向明障子內晴開其口使受日光夜乃閉之若  
值陰霖風雪雖晝戒勿開之雨水後始可灌之其方



灌盆四隅勿侵根莖宜換晴日灌之灌了受日光視外面燥藏之櫃中昏晨戒勿灌澆

二月啓蟄後移盆障子外直受日光便微風吹之亦无妨也夜藏之如正月此月也灌之凡以兩三次為度

三月露之日下灌之五六杓月凡三四次或四五次夜猶納櫃中不閉其口穀雨後撤櫃夜置之戶内若值春暖露出戶外亦无妨斷霜後始使受雨澤以一二時為度如大雨宜避之

四月置之戶外使受夜氣可也灌之以五六次為度雨多止之俟其乾可灌凡受午日以此月為限五月以葦簿障晝日晚乃撤之使受露而受日光自

夏至至白露以巳牌為限夕日受之无妨至酷暑宜避之不好微雨此月也萌芽生新根長灌之多則致腐爛少則枯槁乾濕之候宜詳之

六月灌之三四日一次又月八九次若遇旱天日々灌之或朝或夕晝間忌灌之自其灌之寧受雨澤如雨澤雖有過不及亦不妨也但暴雨避之可也

七月早花既開受夜氣為第一養時々灌之若值雨多須止之

八月有花值雨多乃損之傳曰一盆養花不可過一二枝其餘隨次剪之可也花多葉必萎試之不為无驗雖然是情之所不忍且剪去之法每花苞剪之空莖特立不堪觀併莖剪之雨侵其剪口腐爛至於根



其害虐於不剪故培肥得時乾濕有節不如不剪之  
无妨也

九月日置戶外受日光寒露後夜以葦薄掩之或置  
檐下階前霜降後夜移之戶內若遇早寒之歲寒露  
後移戶內霜降後移向明障子中此月也熬糠和土  
與砂詳之手條以掩根之露出地上者灌水二三杓而  
固其根最佳

十月此月也花笋胚胎夜戒勿出戶外立冬後叔櫃  
內不塞其口日受日光灌之兩三次為度凡自小雪  
至雨水止灌肥水  
十一月置櫃向明障子內值晴日必受日光夜填封  
之其方如正月

十二月小寒後最忌灌澆恐其冰也雖然過乾亦傷  
若欲灌之疎晴日晝日灌積雨水二三杓即受日光  
晚封櫃口置之爐邊乃可也

### 分栽

分栽之節方書所載多以寒露為佳予數試之不如  
穀雨之為勝也寒露節新根滿盆柔暢未固故解拆  
之乃不能無傷害且分栽之後霜威乍侵最為難養  
如穀雨節乃不然宿根既脹盛新根雖萌未舒故无  
拔斷害且分栽之後稍向暑假雖有小傷亦无妨也  
但立夏後新芽稍長宜深戒之分栽之方先將竹篾  
漸々剔去盆土而後倒盆脫之緩々解拆交結徐々  
剪去腐根尤戒拔斷栽時必將浮炭先填盆底又將





赤土塊柸大者置之而後聚根枕藉不偏不倚能為  
三面用砂土栽之灌積雨水二三杓以固其根  
砂土之方砂者山砂為上江砂為下若用江砂以雨  
澆日乾者為佳不然有害又直用路頭聚散者无妨  
也有犬猫尿氣者用土者赤土黑土皆可也必可加  
之立有害宜戒之  
熬糠其量砂五分土三分糠二分為度  
又方栽時加抹茶少許極佳也予屢試之大得奇功  
分栽之後直不可受日光經兩三宿即可也盆者底  
孔大者可也栽了之後灌水二三杓小頃漏出無宿  
水者為佳

又上澗下室者為佳不然甚害於移盆

天保紀元庚寅嘉平月

蘭林久高撰

久住久須美

本書者舊幕旗下久住佐渡守之編著而君當時  
在勘定奉行之劇職官務匆忙之間係所編云

明治廿一年夏月寫之





Blank page

Blank page with a blue-lined writing area




国立国会図書館 タイトル『養難養説』 請求記号 特7-541

ガラス使用



7  
541



国立国会図書館 タイトル『養難養説』 請求記号 特7-541

ガラス使用





国立国会図書館 タイトル『養難養説』 請求記号 特7-541

ガラス使用